

cens cinquante roder fur la grande riuere, à la veuë du fort, qu'ils l'auoient deputed pour parler de paix avec les François, & non avec les Sauuages, Algonquins, & Montagnais, qu'ils haïffent à mort, & qu'ils veulent exterminer entierement; Ils ont, dit-il, trente-fix arquebufiers, auffi adroits que les François, le reste est fort bien armé à la Sauuage; ils font munis de poudre, de plomb, d'arcs, & de flèches, d'épées, & de viures abondamment: Ils s'attendent qu'on leur fera present de trente bonnes arquebufes, ce font gens resolus, aufquels il ne se faut fier que de bonne forte; veu mesme qu'une femme Algonquine, habituée depuis quelque temps dans leur païs, de laquelle ces Barbares se cachent peu, nous a aduertis en secret, que ces peuples se vouloient feruir de nos corps comme d'une amorce, pour prendre tous les Sauuages nos confederés, perdre tout le païs, [149] & se rendre maistres absolus de la grande Riuere; i'ay commissiõ, faisoit-il de retourner sans delay, ils ont retenu avec eux mon compaignon pour hostage; & moy ie leur ay donné parole que ie les reuerrois au plustost. Le sieur de Chanflour donna pour responce, que cét affaire estant de grande importance, il falloit que le grand Capitaine des François en fust aduerty; qu'on ne doutoit pas qu'il n'agreast les recherches de la paix, qu'on luy alloit deleguer des Messagers, & qu'il feroit dans peu de temps aux Trois Riuieres. Nostre prisonnier & vn François qui l'accompagne, se rembarque avec cette responce, affaisonnée de quantité de viures & de petites douceurs, pour gagner ces Barbares; Ils approuerent nostre procedé, mais ils ne laisserent pas de se bien fortifier, en attendant la venuë d'Onontio, c'est ainsi qu'ils appellent Mon-